



FENETA

TA HINKA

AÑA 1, No. 6

— Imprimí : Tip. Excelsior —

FEBRUARI 1970

Prijs : f 0.30 pa numero swelto.

*Oficina di Cultura i Edukashon
Aruba*



**Kwidow cu bo
FENETA**

**Goza hopi cu
CARNAVAL**

STP

Pa Protekshon di bo motor usa
S T P

Agencia :
ARUBA PARTS SUPPLY

— FENETA TA HINKA —

Old mask di : Sex i Karnaval.
E pastor di : Oy bo ta bay fyerno.

— : —

Altijd Laat Maatschappij (ALM)
di : Mihor lat ku nunka. Cuba.

— : —

E Cubano di : Tanto bochincha
pa un boter di rom, i un sigá ? ?

— : —

Forum na Hilton :
Hulanda ta chines di Europa.
Hulandes ta lanta nivel di bo
lombriishi (navel).

— : —

Aha lucha Arubiano
Sjors ku Sjimmi na mando !!!

— : —

Si bo tira nos ta schors bo.

ARUBA BOTTLING COMPANY

TA CONFIA CU GOBIERNO CENTRAL LO HACI TUR LOKE TA DEN SU ALCANCE PA

ATRAE INDUSTRIAS NOBO PA ANTILLAS

ASINA CREANDO CENTENARES DI TRABOU PA TATA DI FAMIANAN ANTILLANO !!!

DIRECTIVA

REDAKSHON DI FENETA

FRANCISCO SPROTT
FRANCISCO CELAIRE
RAYMUNDO JANGA
RAMON TODD DANDARE
JOYCE PEREIRA
JUANITA DE CUBA
ADI MARTIS
EDDY MARCHENA

ADMINISTRASHON DI FENETA

Patiestraat 44
Telefon 2548
Dakota

Nos "Dierentuin"

Un pweblo ku ta interesa pa humanidat tambe ta interesa pa naturalesa.

Hende, bestia y mata ta parti di naturalesa. Si Pweblo no ta muestra ni un tiki interes den bestia ta ki sorto di pweblo nos ta? Si nos a laga dierentuin bay perdi ta falta di un sentimento serka nos.

Syerto hendenan a yega di bisa den historia: Muntra mi graf di un pweblo i lo mi bisa bo kon nan ta trata e bibonan.

Nos ta bisa: Muntra nan kon nos ta anda ku bestia i nan lo sa kon nos ta trata hende. E nomber ta papya pa su mes: bringa mosa.

Politik di laba seso

Inglatera a yuda mata Biafra. Di kon?

Nan kyer e petroleo. Nan no ta hasi nada kontra Rodesia. Di kon?

Hopi di nan ministronan tin plaka den Rodesia.

Nan ta yama e wegá aki politik di ekonomia. Nan ta hunga ku e

paisnan subdesaroya tambe.

Na Antiyas nos ta bayendo den mes-un rumbo. Ki mi tin ku nes ku pweblo.

Ora mi baha mi ta baha ku plaka of posishon sigur. Lo mi ta kens pa no probecha di e oportunitat. Tanten ku pweblo ta akseptá na ta probecha.

Politikonan kyer pa tur hende hasi nan trabow bon i honesto komo idealista. Ora puntra nan pakiko nan ta kumpra i gaña pweblo ora di kampaña, nan ta bisa esey ta nos asunto politiko.

No mi shon abo ta mes-un hende ku tempo di kampaña, un titulo di eilandsraadlid, o diputado o statenlid o ministro no ta kambya bo aktitut.

ENSE-NJANZA

Tirando un bista riba e "presupwesto" di Merca i Rusia nos ta mira ku na e paisnan ey ensenyansa ta un di e "postnan" mas grandi.

Na Merca nan tin skol pa siña planya ensenyansa den futuro. Eynan hendenan ta sintá siña otro hende kon pa plaña ensenyansa pa aki 25 aña por ehempel:

Na hopi pais avansa no solamente tin DERECHO di haña ensenyansa sino tambe DEBER DI TUMA ENSENYANSA.

Na barios pais avansa nan ta trata di kambia e edad di deber di tuma ensenyansa di 14 of 15 pa 18 aña.

Aki na Aruba B.C. tur aña ta saka hopi plaka pa ensenyansa.

Aki riba nos ta mira barios ehempel saka foi mundo ku ta muestra nos ki seriëdaat nan ta hasi ku ensenyansa i ku tur rason pasobra un pais pa otro kada dia ta ripara ku ensenyansa ta un di e fundeshinan mas prinsipal riba kua e futuro di un pais ta basá. Sinembargo na fin di kada aña di skol despues ku e raportnan sali, ta riparable ku atrobe ensenyansa a faya na Antiyas.

Kada aña mas o menos un ter-

ser parti di nos muchanan ta keda sintá.

A base di e terser parti aki nos por bisa ku nos ensenyansa ta faya: un terser parti ke men ku di kada 10 mucha por lo menos 3 ta keda sintá.

Boso, lektornan, pagadornan di belasting, ta realisa kiko esaki ke men? Pasobra ta ku boso plaka di belasting ensenyansa por wordo realisa. Pensa esaki bon un rato.

Suponiendo ku bo ta paga f. 100.— di belasting pa aña; f. 33.— ta bay pa ensenyansa, un terser parti di ensenyansa ta bentá afo, esey ke men f. 11.— di f. 33.— at bentá afo por nada, ke men ku di kada f. 100.— di belasting ku bo paga f. 11.— ta por nada, por a wel keda ku ne den bo sako hasi algo otro kuné. U'n ta tristo?

Pero tog, abo mes ku ta perde pa aña f. 11.— di bo f. 100.— no ta protesta, no ta bisa nada, por ta keha 'ki, keha 'ya kisas, pero no ta hasi ningun esfuerzo pa mehora e sitwashon aki. Awor, si tabata e plaka ey so.

Ta fregá berdat di perde plaka di e manera ey, pero pió ta e pérdida pa e kriaturanan mes ku ta perde aña tras otro, kada bes pida BIDA bentá afo, i esey na nos opinyon mester ta e punto riba kua henter un pweblo mester lanta i pidi gobyerno, maestro i maestraanan na kua kwenta.

Si nos, pweblo, ke wordo rekonosi i respetá pa otro hendenan, nos tin ku trata di mehora e sitwashon aki, prome ku ta laat.

Pueblo, rik bo kwenta,

Beisbol na Panama

Aki poko tempo un delegacion di beisbolista Antiyano ta bay Panama pa representa Antiyas aya. Mi ta supone ku por lo menos un 20 pa 25 hende lo bay, kwalnan ta e beisbolistanan mes i miembro-
nahan di direktiva di bond. Ke men ku pa mas o menos 25 hende biahenter mester wordo pagá i tam-

be estadia na Panama.

Lectornan lo kompronde ku e weganan aki lo sali algo masha kostoso pa bond di beisbol. E representantenan di Antiyas ta bini prinsipalmente. foi Corsow ku algun hungador di Aruba aserka.

Pakiko asina! Simplemente pasobra ku Corsow a derota Aruba den selekshon i aktualmente ku e kampeonato pa Copa e dos teamnan di Corsow ta derotando Aruba atrobe, ke men ku nan tin derecho di traha team pa bay Panama.

Un bon lektor a ripara kaba ku mi ta bay pa dos kritika fundamentalmente tokante un torneo den kwa Antiyas ta partisipa. Laga mi pone dilanti ku ta masha bon i util tin biaha pa mustra kara den estranhero. Loke mi ke bisa ta ku pa regla mi no tin nada kontra di manda un team di deportes afo pa representa nos pwebol.

Si mi ta kontra si bond, ku apenas ta saká plaka foi e weganan di kopetitie, ta bay manda representantanan, mientras tanto ku e nivel di beisbol aki na Antiyas aña pa aña ta birando menos. Esaki ta plaka bentá afó i mal representashon di Antiyas den estranhero. Durante e kampeonato ultimo aki nos a papia ku diferente beisbolista tanto di Corsow komo di Aruba i tur tabata di akuerdo ku e kalidat di beisbol aktualmente ta malo.

Pakiko por ehempel bond no ta buska un bon entrenador i coach pa alsa nos nivel di beisbol atrobe? Dijes para e biaha i usa e plaka ey pa trenmento i otro aña of aki dos aña, ora ku tin un torneo atrobe bay bon prepará i e ora ey saka kara di Antiyas na un manera mas responsabel.

E keho ku no tin plaka pa paga un bon entrenador a bay perdí e ora!

I pakiko semper mester wordo hungá play-offnan pa disidi kwa isla ta bay forma team di beisbol, futbol, etc. etc.

Lo no ta miho ku e bondnan individual kontinualmente, por ehempel un of dos bes pa luna ta tren nan miho hungadornan i un ves den dos luna lo tin entrenamento

sentral, esta ku e miho hungadornan selektá hunto na Aruba, Corsow of pa mi parti na Bonaire.

No, asina ku bin un invitashon of ta yega un notisia ku lo bin kwalkier team, ta kore tren purá-purá pa mustra ku tog a wordo getren. Of, mes ora mester wordo hungá play-off pa disidi kwa isla lo representa Antiyas.

Koí loco, koi makako.

Si e direktivanan di e diferente bondnan usa nan sinti sano, nan lo bin na mes konklushon. Pero kisas nos proposishon ta duna di mas trabao, i pesey kizas

I tog, kada bes nos ta ripara ku nivel di futbol ta baha, nivel di beisbol ta baha, nos ta atrasando den basketbol, volleybol, tennis, etc.

Kada ves nan por ripara ku durante kompetitie menos i menos mirones ta bin mira wegá. I tog, nos direktiva as tigi e kaminda bieuw, bieuw i frot!

Nos Holland Town

Ya ta añanan largo nos ta tende e boroto aki. Te ainda nada no a wordu hasi. Pakiko ta tarda asina hopi ???

Tur hende ta kontra Holland Town?

Pakiko nos no ta bini ku un Arowak Town? Hendenan ta keke ku ta pa komersyante so?

Nos a investiga e problema aki. Nos a bai papaya ku 86 hende di diferente ramo den nos komunidad. Aki ta sigi poko di nan remarkanan:

Si, drecha San Nicolaas, mehora sitwashon di e kayanan, hasi algo di e village. Kibra tur e kasnan den village i traha kas drechi pa e hendenan.

No trek e hendenan ku notisia falso di futuro Holland Town, myentras Holland ta konosi pa su limpyesa. Pakiko mester bini ku un kos di otro tera?

Nos no tin nos mes kosnan? Ta bira tempo pa hala atenshon ariba lokwal ta di nos. Holland a traha un Arowak Town?? Ora Hol-

land Town bini nan ta trese Holland's hoeren i flikkers tambe?

San Nicolaas ta yen di Holland street kaba, awor lo bini Holland speech tambe? E hendenan den Holland Town ta bay kana ariba "klompen"?

E komersyntenan mes no por usa nan seso pa pensa kon pa trek turista?

Of nan kyer pa plaka lora dren-ta sin ku nan ta hasi eswenzo? foel.

Holland Town, hopi buya, koko plaka.

Holland Town, een dood geboren dorp.

Holland Town, plaser pa turista.

Holland Town, i hamber i krot-nan ta flota.

Drecha San Nicolaas su neseditatnan urgente promé!!!

Dag Holland Town daaaag!!!

Abono

Pa mey aña f 1.75 pa Antiyas
f 3.— pa Holanda

Kada abonado ku trese dos of mas abono ta haña e otro mitar aña gratis.

Reakshon

Manera mi a scirbi biaha pasá. awor ta tempo pa actua.

I si nos kier cumunza actua nos tin cu bai verifica riba ki tereno nos por yuda promove papiamento.

Examinando nos mes riba e tereno ei nos ta ripara kon pover nos conocimiento di papiamento ta. Sigur cu nos ta papiele, comprende y lesele.

Pero mas aleuw? Kiko bo sa di su origen? Su desarrollo y historia? Cualnan ta e escritornan conoci? Nos tin algun pintor hopi conoci den exterior?

Cualnan ta nos musicantenan renombrá? Bo ta gusta e sistema nobo di scirbi papiamento?

Asina e preguntanan por sigi y si bo por duna bon repuesta riba ta biba riba nos tera y mester

adapta su mes cu sistema y custur anto bo tin hopi interes den nos papiamento y nos tera. I si nos ta conciente di nos fallonan, nos no por bai duna ningun hende y ningun instancia e falta cu papiamento a keda asina tanto tempo

Ko'y chambon mester yega na su fin aki na Aruba i Antiyas. primí den un hoeki.

No ta ningun hende o instancia ta duna un lenga su importancia, pero ta henter pueblo. I bao di nos mes hendenan tin cu ta kere cu Papiamento ta un lenga inferior pasobra e ta wordu papiá door di un minoria di hende compará cu e otro lengan. Pero ta exactamente door di e grupo chikito aki nos ta sinti nos mas ansioso pa defendele contra e lenganan gigante cu por bin influencia y tal bez caba cu nos papiamento; nos papiamento, cu di e tesoronan di mas grandi cu nos ta posé. Majoria di e islanan rond di nos no tin nan mes lenga unico manera nos, sino un dialecto di ingles of frances nan ta papia. Awor pa nos por trese papiamento riba un nivel mas halto ta nos tur tin cu pone man na obra na un manera of otro.

Tambe door di introduci e lesnan den klasnan primaria, nos ta bai hanja mas interes den local nos papiamento ta contene. Awor sin duda algun hende, special estranjeronan, lo bin protesta contra e novedad aki na school.

Riba e punto aki mi por bisa lo siguiente: Cada major cu tin un yiu ta bai school aki na Antillas

tumber ò biba manera un Antillano. Si e no haci esaki e no ta wordu accepta door di comunidad y ta keda para su so. Bao di e sistema di nos bida aki tambe ta cai educacion di nos yiunan cu awor nos kier lanta na nos manera y no na un manera oprimi cu nos tin te ainda, sea sincero.

Sigur cu e lenga hulandes o ingles, tambe spanjo ta importante pa estudionan avanza. Pesei na primaria nos por pone hulandes den eerste cu tweede klas manera un gewone vak, y no een hoofdvak. Semper mi ta puntra mi mi mes: Pakiko, pero pakiko mi tin cu dirigi mi mes den un lenga stranjo na mi muchanan, siendo cu mi por haci esaki den mi propio lenga?

Nan lo compronde tur e problemanan mas rapido y tambe e ambiente un poco stranjo lo no tei pa nan y esaki lo duna nan brio pa trata mas familiar, mas conciente y mas sigur di nan mes.

En berdad, ta koi kens mi ta hasi?

Mi ta hinka e muchanan den un calumnia sin tin mester. Pero e ley di enseyanza ta exige esei di mi, alavez tur e boekinan ta traha pa duna lesnan na hulandes. Esaki ta causa cu hopi mucha den school primaria ta keda sinta; aki tambe e ley di deber pa bai school ta haci hopi falta. Tur e doblacion di klasnan aki ta un gasto grandi pa gobierno, cual gastonan por wordu menoriza di haci un cambio drastico na schoolnan.

E ta sigi.

REAKSHON

Na e momento aki mi a ricibi "Feneta" No. 4. Masha danki.

Si mi no ta ekivocá te ainda mi ho a paga kontribusion, pero mi lo scirbi cas pa nan pagele pa mi (no pasobra cu mi no por paga, pero asina boso tin e cens mes ora).

Kada bez mi ricibi "Feneta" ta un sorpresa agradabel, ja cu mi tabata un poco pesimista tocante e "levensduur" di boso revista, pero awor mi ta ripara cu mas i mas hende ta scirbi algo den "Feneta" i poco poco e raiznan ta creciedo.

Mi ta spera cu algun dia e palo lo pari fruta di bon calidad. Esaki ta mi deseo pa "Feneta" pa anja 1970.

Ta hopi biaha caba mi a pone mi mes pa scirbi boso, pero manera lo ba ripara te ainda nunca e deseo a wordu konkretisa, e biaha aki si mi a mara mi mes na mi lessenaar pa mi scirbi e carta aki.

Con cos ta ey banda? Ba ricibi e boeki cu mi a manda bo?

I ke ubo di "De Groene"? bo ta ricibiele?

Mi ta spera di tende di bo.

Kiko ta e punta di bista di "Chuchubi" riba "Feneta"? OF te ainda e no a duna su opinion? Mi ta supone cu boso den un sier-to sentido ta konkurencia pa "Chuchubi", aunque boso benedring ta otro. Boso ta accepta kontribusjonnan puramente literario of no?

Entre mi estudio, mi lesamento di boeki i mi interes den politiek mi ta purbando di skirbi algo ku

PA SEMPER BO POR SER RECORDA,
SORPRESA BO AMIGONAN Y MUESTRA
NAN BO MIHÓ DESEO KU UN NECHI
BUKET DI FLOR DI :

BERTHA'S Flowershop

MAINSTREET 26 — SAN NICOLAS

TEL. 5544 — (NA KAS 5524)

DIRKS LUMBER YARD

BERNARDSTRAAT 106 SAN NICOLAS

TA E ADRES PA BO

MATERIAALNAN DI CONSTRUKSHON

E FERF KU A HACI FUROR RIBA MER-
KADO TA :

"Radar Paint"

por jama, si bo tin gevoel humoristica, literatura.

Quizas qualquier dia lo mi mandá bo un di e probeerselman.

Mira : den "Feneta 4" riba promé pagina boso a pone e opmerking di e señorita cu no kier "Feneta" pasobra "e no a casa ku yiu di Antiyas. Werk e cos aki uit, swa. Habri e discusjon tocante e asunto ey door di un articulo chiquito over di e kestion aki. Purba si ta posibel, peil e opinion di comunidad riba e asunto precair aki, pasobra hopi hende no gusta yu di tera bini cu macamba Antiyas, solamente hopi vez nan mes no sa pakiko mes

Lo ta interesante pa hanja sa si nan actitud ta otro ora yiu di tera casa cu mericano of un hende di suramerica.

Manera "Feneta" ta bisa : Ey bow tin glas.

Enfin, nos lo weita con cos lo bai, no tin purá cu e cos aki.

Otro cos : Den casi tur numer di Feneta boso ta dedica hopi espacio na racismo na Antiyas. No lubidá cu tin un bron di racismo riba local casi ni un hende ta papia, esá e racismo di e turistanan mericano cu ta biñi den gran cantidad Aruba. Nan ta pertenece na e "middle class" mericano i mayoria di nan ta racista ragá, i mi ta sigur cu den e hotelnan na Aruba hopi bez cosnan ta pasa cu ta godigo. Lo ta interesante pa papia cu e muchanan cu ta traha na hotel pa weita cu en berdad actonan di discriminacion ta pasa. Ademá e Rubianonan blanco di nos bourgeoisie cu tin contact cu e mericanonan ta wordu stimula den nan racismo contra e Rubianonan color. Y no lubida e racismo di Lago cu su colony solamente pa mericano, asta lama (Baby beach) nan a monopolisa pa (99) anja, asina cu ora un Rubiano ta landa ey nan un warda ta bin sakele foi awa pasobra e mester ta miembro di ESSO CLUB i artes e club aki tabata pa mericanonan so.

Naturalmente nan por bisa cu si bo kier landa den Baby Beach lo mester bira miembro di E. C., pero si mi no ta ekivocá tin un ballottage commissie cu ta black

E ta kontinwa na pagina 8

Atenshon "Ambtenaren" di Inko.

Bosonan a bay kontrola kaba si doño di un pakus grandi den Nas-saustraat a kambya e profeshon di tur e mucha muhernan ?

E mester ta kambyá di "schoon-maakster" pa "verkoopster". E mucha muhernan aki ta hasyendo trabow di "verkoopster".

Pero nan ta haña e pago, e salaryo di "verkoopster" tambe ? ? ? E doña a priminti.

Check si e a kumpli ku su promesa.

Papa di Roma

E homber aki ta kere ku e ta biba den tempo pasá, ku tur mester bisa si papa.

Nos no ta gusta su moda di ak-twa i papya.

Amigo di Aruba semper ta pone su chistenan antigwá a deleyte di un i tur.

Korda stima papa, anto syelo ta sigur (si bo guli tur kos ku e bisa manda bow).

Karta abierta na VITO

Ta basta tempo kaba ku nos tabata ideá di manda Vito nos opinion tokante e contenido di Vito desde ku Stanley Brown a hasi su ekibokashon di bay den politik.

Si nos kompara tur lokwal a wordu skirbi prome ku Satnley a tuma despedida ku lokwal a ser skirbi bow di e redakshon nobo, nos ta bin na lo siguiente :

1. Tempo di Satnley Vito tabata kritika tur inhusticia di ken ku ta, i alaves tabata duná märke ta al-

gun alternativo. Sigur, Stanley ta-bata lucha pa pwebo, tabata habri woi di pwebo pa hasi'e kon-siente di su sitwashon. Awor naturalmente nos por bay diskuti tokante lokwal Stanley a logra ku su Vito. Tanto hende, tanto opinion. Nos opinion ta ku Stanley a pone pwebo realisa ku mester bin un fin na e ultrahe komete na dje pa añanan largo.

2. Awor nos ta haña un redakshon ku ta kambia ku biento. Segun klima politiko ta, asina Vito ta. Si, na moda di bisa, awe un Frentista bisa A, Vito tambe ta kore skirbi A i si otro siman e Frentista kambia su opinion pa X Vito tambe a kambia skirbi X. Den tempo di Stanley henter D.P. ta worde mandá limpi limpi. Awendia Vito ta trata di skapa mas tanto posibel e kon-gobernador nan di Frente.

Ku otro palabra, asina liber ku Vito tabata ta, asina mará e ta awor.

Si ta un organo di partida Vito ta, anto skirbi esey tambe na kabes di e semanal.

Permiti nos un ehempel: te awe nos no a lesa nada den Vito ainda tokante e abuso di Sr. Rozendaal (tempo ku e tabata deputado) kontra su kolega(nan) durante e eilandsraadvergadering den kwal a wordo disidi ku obreronan lo a haña nan 21% di owmento en ves di 10%.

Vito mester a skirbi ku Vito tabata kontra e MANERA riba kwa e obreronan a haña nan sweldo minimo hustificá.

Mientras ku Sr. Pijpers ta kaba di bisa ku B.C. lo pensa i deliberá ainda tokante e 21%, UN MINUT despues Sr. Rosendaal ta laga sa, ku si, semper el a comprende ku ta imposibel ku tal i tal i djies ey Sr. R. tabata obrerista 'ki, obre-rista ya. Ta pone nos kor ku ku despues ku Willemstad a kima den menos ku 24 ora Sr. Bicker por a duna permit pa bisa sweldo di obreronan. Awor, ta ki diferen-sia basiko tin entre e akshon di Sr. Bikker i esun di Sr. R. E akshon di e ultimo mester ta pió pa-sobra esey no solamente tabata de-mostra ku asuntonan ku conse-

kwensianan grandi no ta wordo studíá et ol, pero tambe ku Sr. R. no tabata tin ni di minimo desensia humano i parlamentario pa ku su koleganan Pijpers, ets. ets. Sr. diputado Pijpers ta supone di karga responsabilidad di e decision di Sr. R., pero disidi no.

Ken por bisa ku si tur e diputadonan a haña chens pa disidi (manera mester a haña chens pa disidi (manera mester ta) ariba e kwestion aki, tambe e 21% (hustifiká) lo a wordo lográ? Bergwensa di demonstrashon di un one-man-show (diktatura) asina. Na unda nos por lesa esaki den Vitó.

Un otro punto: kibra algo ta masha facil. Ken ku ta por kibra kiko ku ta te ku nada lo resta di dje. E difikultat ta ku ora bo a kaba di kibra algo, bo mester tin algo otro i algo miho pa re-emplasa i esaki ta e fayó di Vitó. Bo'n ta gana nada si bo ta siña mester kibra i no siñé pensa di tal maneira ku e mes por yuda su mes. Den otro palabrá: kiko bo ta gana siñando un pweblo pensa destruktivo, mientras tanto ku bo skirbimento por lo menos mester ta edukativo o positivo.

Nos por ta di akwerdo ku tin ves bo mester kibra prome ku bo drecha, pero musfra tambe kon pa drecha! Si ta alsa Vitó ke alsa su rumannan den lucha fei nan miseria, ta bon, pero no saka nan fei un miseria hinka nan den un otro. Alaves lo siguiente:

Pweblo a lamta, pweblo ta alerata. Tene kidow, pasobra, siguiendo asina pweblo lo tin basta di boso. Pweblo sa awor kiko ke men; tene pweblo bobo, i lo no laga nan tene bobo atrobe.

Si Vitó kè hasi manera hasta Frente na kritiká, miho kritiká algo basiko anto i no kwenta di fiesta pa haña plaka pa fondo di Frente (algun luna pasá) so. Esaki tabata uniko kritika ku Vitó a duna Frente te ainda.

Ko'i loko, nesasatio sinembargo, pero tin hopi otro kos mas importante di skirbi, p.e. pakiko Gouddet no a hiba lider(nan) sindikalista di trahador di waf di Aruba tambe Alemanía, o di kon Stanley no a hasi TUR su esferoso pa

haña subsidio di gobierno pa laga de Palm bini dia di e Forum tokante papyamento?

Jonckheer Gouverneur

Pa kiko mester di un "gouverneur"?

Pa firma papel!

Pa sakudi man na resepsi!

Pa kontrola si e uniform di e "mariniernan" ta bon!

Pa representa la reina.

Por ehempel pa papya Hulandes na tur okasyon ofisial kaminda mayoria di nos pueblo no ta bay. I si nan bay nan no ta tende nan, mes lenga.

I si bo no tende bo mes lenga esey kyer men ku esun ku ta papya no ta Antiyano e ora ey pero un popchi Hulandes.

Gouverneur na Antiyas a bira algo super politiko.

Esaki ta e kos ku bo tin ku hasi pa bira gouverneur.

Soru pa ora bo nase bo no parse Antiyano.

Drenta politik i gaña e karnenan ku semper ta buska un wardador pa nan sigi syegamente pa nan grasya o desgrasya.

Laga hendenan di bo partido manda karta pa la reina ku bo number ariba, pa bo bira gouverneur.

Despues bo ta bay un aña Hulanda. Ya e hendenan ta kere ku bo no ta afilia mas ku un partido. Si, pasobra e hendenan ta kens. Nan ta kere tur kos i nan no ta puntra pakiko i kon e kos ey ta posibel.

Ta esaki tabata e wegá promer ku 30 di Mei. Pero chamonada mester yega na su fin. Nos no mester di e sorto di chalakanan aki na Antiyas.

Hasi un baby ku nase gouverneur siné pa papya Hulandes i skirbi pa e firma su number.

Siña e hendenan pa respetá i pa hinka rudiya i pa alaba e echo aki.

En berdat aki na Antiyas ta wegá so hende ta hunga ku hende. Nada no ta seryo.

Ta bira tempo pa nos kambya pasobra e seryonan lo spula nos.

Skwadron Hubenil

(Teenage Squad)

Skwadron Hubenil ta e pagina ku ta skirbi tokante teeners aki na Aruba y opinion nan di tur hende chikito y grandi. Esaki ta e pagina ku tur teenersnan mester lesa, pasobra e ta spesyal pa nos teenersnan. Asina ta pwea "KEDA PENDIENTE" pa lo sigyente.

SONG FESTIVAL ANTILLANO

Algun siman pasá a wordo tene aki na Aruba song festival antillano cual finalé a wordo tene na Corsow. Y FENETA tambe tin un remarque chikito tocante es songfestival aki.

Manerao hopi hende por a mira Songfestival ta baiendo atras. Wel, esaki ta simplemente pasobra e ta wordo mal organisa y si e organisadornan sigi asina anto si nos por conía cu aki dos anja no tin songfestival mas.

Algo tocante e partisipante nan.

Wel, "artista" tin hopi aki na Aruba pero nan mester worde apoya.

Por ehempel: Un persona cu sa hopi di musica mester juda e jovenan aki, y asina nan por bai hopi dilanti.

Tambe e maestro di ceremonia mester tin e number y e cancion cu e partisipantenan lo bai canta y no warda te na es momento cu nan ta subi stage pa puntra nan, manera a pasa na Aruba.

Un cos cu a pone e partisipantenan rabia tambe ta cu nan no a hanja stoei pa nan sinta, nan mester a keda para patras di scherm warda nan beurt pa canta. Loque a pone e partisipantenan bira misa nervioso tambe tabata e microfoon cu tabata faja continuamente. Cos cu hopi partisipante a laga sa ta cu: Si, e organisadornan

mester sigi asina nan no ta canta mas.

Remarque tocante e artista nan estadia na Korsow.

Pa cuminsa e muchanan aki a wordo laga completamente riba caja nan no a hanja ningun penshon pa nan keda refresca nan mes y si nan a hanja mes nan mester a paga tur cos nan mes. E hobenan aki a wordo busca for di Aruba pa bai competi na Corsow pues nan mester a wordo trata mucho mas mihor cu nan a ser trata.

Theater West-End

Lo tabata hopi mas mihor cu nan a jama e theater aki lo siguiente :

“WILD WEST THEATER.” si pasobra y parse un bar di den e pelicula di Django. E kleedkamer ta un hoki di 4 cm pa 4 cm y hopi sushi, tambe tur cos tabata rebortia y sin wasbak.

E publico tabata “Huilien van de pet” pues masha tristo.

Algun tipo masha rebelde tabata sinta ariba e podium, mientras cu den sala tabata tin basta lugar pa nan sinta.

A jega un di nan mitar barica afor ora cu su amigonan a cuminsa gritele el a baja su carson den tal direccion cu tur hende por comprende.

Laga nos spera cu songfestival lo bai cu mas smak y cu e lo bira algo tremendisimo e anja aki HOPI EXITO esei ta SKWADRON HUBENIL su deseo.

CARLOS

Demokrasia di Pishi Porko !!!

Pa tur hende ta algo natural ku nan tin posibilidad di vota ora tin eleksion atrobe. Pero e echo aki no tabata asina natural den temponan pasá. I ainda tin hopi tera kaminda esaki no ta asina.

Na Swisa e señoranan no tin derecho di vota. Hopi tempo pasá no ta tur homber por a vota. E temponan ey e derecho di vota tabata kombiná na e echo di si bo tabata paga un syerto suma di impwesto.

Te ainda na Irlandia bo derecho di vota ta depende si bo tin bo mes kas.

Den otro tera e hendenan ku kyera tuma parti na eleksion tin ku inskribi nan mes adelantá y na mes momento syerto eksigensya ta ser pidí.

Esta si bo por lesa i skirbi. Esaki bo ta haña den syerto lugarnan den Estados Unidos.

Na Antiyas tur habitante di 21 aña pariba ta haña un yamada pa bin vota. Tin un grupo chikito di hende ku ta eksklui di votamento. Eseyan ta e hendenan ku ta basta tempo den prison i hendenan ku a wordu kwalifika loko i hendenan ku hues a kita nan derecho di syudadano. Kiko kyera men “derecho general di vota”? Abraham Lincoln a bisa ku demokrasia kyera men: “Gobernamento dor di pweblo, pa pweblo i ariba pweblo”.

Nos por papaya solamente di demokrasia si tur hende tin e posi-

bilidad pa tuma parti den gobernamento di nos isla o di Antiyas.

Den praktika di kada dia esaki no ta posibel. Den un syerto periodo di historia Greko, henter e poblashon di un syudat o pweblo tabata bini huntu ariba un plasa i eynan nan tabata disidi tokante asunto nan ku tabata nesario.

Ariba Aruba ku nos 60.000 habitante esey no ta posibel mas.

Pero pa laga tur hende disidi tog, mester di hende ku ta pensa na mes un manera tokante di hopi asunto. E hendenan aki ta bini huntu i nan ta vota pa un di nan ku lo bay papaya i tuma desishon den nan number. Pasobra e ta un di e grupo di hende ku ta pensa meskos tokante di problemanan importante.

Un grupo di hende asina ta bini huntu. Nan tur ta di akuerdo i nan ta pensa meskos tokante di un gran kantidat di problema ku ta importante pa gobernamento di pais. E ora ey nos por papaya di un partido politico.

Den un demokrasia semper tin partidonan politico. Tin byahados, pero tin byaha hopi mas. Tin tera ku ta yama nan mes un demokrasia anke ta un partido politico so nan tin.

Esey nos por mira den syerto paisnan na Afrika i Asia i den syerto paisnan den Europa oriental. Den poko di e partidonan ku a ser menshoná esey kyera men, ku den esun partido ey ta eksisti diferente grupo, ku tin byaha ta traha manera ku nan tabata diferente partido. Pero laga nos konsentra un rato ariba e situashon kaminda tin diferente partido politico.

AIRTEMP

TA USA MENOS CORRIENTE KU

KWALKIER OTRO AIRCO

ARUBA TRADING COMPANY

Pa tarheta di Bautizo, Prome Sta. Comunion, di Matrimonio, y tur clase di trabao imprimi

Acudi na :

Tipografia Excelsior

Zoutmanstraat 15, Oranjestad

Aruba Ant. Neerlandes

Tanto kabes i tur kyer ta hues.

Si bo puntra hende nan opinyon tokante di shenti un (101) kos ku ta hunga un rol importante den gubernamento di un tera, bo ta haña diferente kontesta. Kada un hende ta pensa net un krenchi otro tokante loke tin di sosede. Pa yega na un desishon mester forma un mayoria di hende ku ta di akuerdo tokante lokwal mester wordu hasí.

Un partido politiko ta un grupo di hende ku ta di akuerdo den e puntonan kardinal. Tokante otro asuntonan detayá nan por tin un diferente manera di pensa.

Hopi byaha bo por haña sa mas o menos kwa direkshon un partido ta pensa, si bo ripara nan noriber politiko.

Un partido sosyalista ta pensa kompletamente otro ku un partido liberal. Nos lo bini bek ariba e nifikashon di e palabranan aki den un otro publikashon di Fene-
ta.

Aki nan nos kyer bisa ku e nombenan politiko esta sosyalista, liberal, konservativo ta muestra ku den politiko tin partido, ku tin ideanan ku ta kompletamente otro en kwanto kom pa governa un tera i un pweblo.

Kada kwatro aña tin elekshon ariba Aruba i Antiyas. E ora ey e diferente partidonan ta bay serka e votadornan i nan mester muestra nan programa den kwal nan ta muestra pa kwa kosnan nan kyer bringa den e kwatro añanan benidero.

Aki na Aruba i Antiyas no tin diferente ideologia den e partido-

nan. Tur ta mes un potoshi. No tin pensamento ni planeamento te ainda.

Pesey nan ta buska voto na un manera baho, spekulando ariba sentimento i no ariba pensamento.

Tur hende sa ku bo no por konstruwi algo si bo no pensa.

Na otro tera si e diferente partidonan ku un diferente programa i un diferente ideologia i un diferente pensamento pa hasi algo ta bini ku un programa ku ta kwadra ku nan punto di bista, i ariba e programa e votador ta pensa pa duna su voto.

Na Antiyas hopi votador ta duna voto na esun ku a duné bebida, auto, paña etsetera, un monton di materya pa su voto. No ca ofrese e votador algo ku ideya. Pesey ta tristo ku nos pweblo ta akseptá e kosnan aki. Pesey hopi byaha pweblo ta sufri pasobra ta na un manera kens o sentimental nan a vota.

E ta sigi.

Continuacion di pagina 5 REAKSHON

Ball tur "Negro" (averigua si esaki ta berdad!-) mescos den club Tivoli y Caribe.

Hopi hende ta willing pa wanta discriminashon hulandes of mericano (special esaki) pafia "narta trese empleo i pa placa" pero esaki ta kestion di "smaak".

E tempo cu e spanjona a bini Antiyas e indjannan a ricibi ban man habri: "Kont de mannen zien, die uit de hemel tot ons zijn neergedaald, en brengt hun spijs en drank", e consequensia di e "Nederdaling" aki ta sumamente ko-

nosi. Aunque awendia e mericano-nan no ta mucho otro (no mixing cu e inbooringnan). Pero si e Rubianonan ta asina orgulloso riba nan mes (lucha arubiano) sigur nan no por permiti discriminashon contra yu di tera riba nan mes un luga. Pero mas hotel bini (hotelnan aangepast na e smaak banaal i mediocre di e "law-abiding, red-blooded all-american, god-loving, money-making, piece of stupidity") mas naturaleza di nos isla ta sufri y mescos strandnan bunita ta keda pa pueblo di Aruba por disfruta. Pero te ainda niun hende no a habri boca bisa go-bierno tocante e asunto aki.

Pasikiko Aruba no por por e un hotel cu ta tipico rubiano na nos isla? Pasikiko ta mericano mester bini pa traha algo cu e mericanonan ta gusta. Si mericano-nan kier sinti nan mes semper den "god's own country" anto nan mester keda nan kas!

Aruba ta kere cu turistanan ta "Mannen uit de hemel" en bez di ta kritiko i no prostituteer su mes asina manera un puta barata.

Tot zover mi fulminasjon.
Tende un cos aki. No tuma mi na malo pafia di mi ortografia. E ta un poco bruhá.

Si mi mag duna un conseho: no lubida e nota satirico den "Feneta". Dedicá tur biaha un espacio chikito na haci bofón di sierto ty-penan na Aruba. Por ejemplo e caso di sierto famianan "high" cu kier pa nan yunan casa cu mericano solamente. Of di e mamanan cu no kier pa nan yunan sali den solo pa fia "coló ta danja."

K. Raké.

Coke has the
taste you never
get tired of.



ENBOTELLA NA ARUBA PA TROPICAL BOTTLING CO.